

M140D: Mariensequenz aus Muri (D)

- 0,1 Ave uil liehttiu marif ftella
0,2 einlicht der chriftenhait MARIA
0,3 aller magde lucerna.
0,4 Froudich gottet cella
0,5 beslozzenu porta
0,6 wand du dengebare
0,7 der dich vnde alle die werlt geschṽf
0,8 nu fihe wie rein ein vaz dumaget d̃v ware.
0,9 Sende minen sinnen
0,10 des himilef chvniginne
0,11 ware rede f̃vze
0,12 daz ich den uater vnde den f̃vn
0,13 vnde den uil heren geift loben m̃vze.
0,14 Immer maget anende
0,15 m̃vter anemissewende
0,16 frovve duhaft uer f̃vnet daz eua zerftorte
0,17 diu got vber horte.
0,18 Hilfemir frowe here
0,19 troft unf arme durh diere
0,20 daz din got vor allen wiben ze mvter gedahte.
0,21 alf dir gabriel brahte.
0,22 Do du in uername
0,23 wie du uonerfte erchome
0,24 din uil rainiu schame
0,25 erschrach von dem mare
0,26 wie maget ane man
0,27 immer chint gebare.
0,28 Frou an dir ist wnder
0,29 muter vnd maget dar vnder
0,30 der die helle brach.
0,31 der lag indinem libe
0,32 unde wrde iedohc
0,33 dar under niet cewibe.
0,34 Dv bist aleine der falden borte
0,35 ia wrdedu fwanger von worten
0,36 tir chom ein chint
0,37 frowe durh tin or
0,38 des iuden xpiften vnde heiden fint

- 0,39 vnde def genade hie waf endelof
0,40 aller maide ein gimme
0,41 daz chint dich im ce muter er chof.
0,42 Din werdicheit diu nift nichit chleine
0,43 ia trvgedu maget raine
0,44 daz lebende brot
0,45 daz waf got felbe
0,46 der finen munt zv dinen bruften bot
0,47 vnd dine bruft infinehende vie.
0,48 o wi chvnigin
0,49 waf genadin got an dir begie.
0,50 La mich genizen fwenne ich dich nenne
0,51 daz ich MARIA frowe daz geloube vnd daz an dir erchenne
0,52 daz niemen gvoter
0,53 mach def ver lovgen du ne list der barmvge mvter.
0,54 La mich geniezen def du ie begienge
0,55 in dirre werlt mit dinem fvn so dun mit hande zv dir vinge
0,56 so wol dir def chindes
0,57 hilf mir vmb in ich waiz frowe wol daz tun fenften vindest.
0,58 Diner bet mach dir din lieber fvn niemer ver zihen.
0,59 Bit in des daz er mir ware ruwe muze ver lihen.
0,60 Vnd daz er durch den grimmen tot
0,61 den er leit durh die mennifcheit
0,62 fehe an mennifliche not.
0,63 Vnd daz er durh die namen drie
0,64 finer chriftenlicher hant getat
0,65 genadich in den fvnden fi.
0,66 Hilfe mir frowe da diu fele von mir fcheide
0,67 da chvm unf cetrofte
0,68 wand ich gelovbe daz du bist
0,69 mvter vnde maget beidiu.